

Presentacion di Trio Los Arubeños na USA tabata exitoso

ORANJESTAD(AAN)- Estadia di Trio Los Arubeños na Estados Unidos di America tabata un gran exito. Den nan presentacion a interpreta varios numeronan musical manera nan sa di ofrese na convencion y seminarionan den exterior.

E seminario a tuma lugar entre 19 pa 29 di April ultimo na Boston den e "Four Season hotel", an Long Island y "The Garden City Hotel". Ademas na Brooklyn den e luhoso restaurant "Le Mer", na Philadelphia den "Wyndham Franklin Plaza Hotel" y na West-Orange New Jersey den e restaurant di fama mundial "The Manor".

Presencia di agentenan di viahe tabata di aplaudi debi na e hecho cu nan a demostra gran interes pa e propagandan an ofrecie di e hotelnan, tour-operators, aerolineas etc pa cu Aruba, "One Happy Island".

No obstante e presentacion exitoso di Trio Los Arubeños a haci uso di es oportunidad pa rifa y regala algun disconan propio na Papiamentu di e trio menciona.

E gesto inespera a impresiona e invitadonan masha y hasta a sugeri pa e trio entretene seminarionan di e mes manera den futuro. Palabranan di agradecimiento ta bay di parti di integrantenan di e Trio pa staf y personal di e Oficina di Turismo na New York, cual tabata den un solo palabra "sublime".

Ademas ta gradici AHATA, Direccion di Turismo local, Gobierno y American Airlines pa realisacion di e viahe aki. Trio Los Arubeños indiscutiblemente por mira atras ariba un oportunidad bon ofreci di cual nan a haci bon uso, promocionando nan pais Aruba.

